

之不辭奚逃鬼責伏念齋官奉天祗戒事  
帝推誠思神念真收規反聽仰仙風而不速  
存遺妙以惟勤美啓薰修奉嚴齋誦經行  
道燒香散花瞻寶座於瑤臺祥煙絢彩想圓  
明於法座瑞日騰輝將以感格上元交通無  
間首愆謝罪保命延生開濟苦輪資崇善果  
伏惟璇霄至聖絳闕高真羽衛森羅徧周於  
下土旌幢掩映洞煥於太空雅韻奏而上徹  
三天聞靈音而該通八極啓幽冥之苦趣滋  
動植之生源拯拔有情提携未度上願

皇圖卜世地久天長臣子宣勤雲行雨施無  
一夫之失所與萬物以為春四海均麻五兵  
不試俾齋官某茂膺景貺常沐  
真風官資隨日以高遷壽算與天而齊久家  
用叶時和而保羨德星臨命字以光輝道燕  
陶鎔神垣湛微百靈保衛萬聖巨扶眷屬允  
諧親烟叶又九玄七祖憑妙利以飛昇五苦  
三塗沐良因而開泰一誠所感百惡自消萬  
善雲臻千祥福集上明  
天尊大慈之澤下副臣等皈命之誠謹啓以

開

發願

- 一願靈光下燭
- 二願道月揚輝
- 三願恩宣九地
- 四願誠達九天
- 五願真靈俱會
- 六願道炁周圍
- 七願天堂開敞
- 八願地獄墜摧
- 九願玄功普被
- 十願駕景空飛
- 十一願普天懷德
- 十二願道化無為

存神燒香

香官使者左右龍虎君侍香諸靈官當令  
向來早朝陞壇行道之所自然生金液丹碧  
芝英百靈聚真交會在此香火爐前當願十  
方仙童玉女接待闡延傳且向來所奏之誠  
速達徑上

至真無極大道

三清上聖

昊天至尊金闕玉皇上帝御前

羅天大醮早朝科

羅天大醮午朝科

各禮師存念如法

丹靈朱火 炎霞激風 赤輪剛運 天光八街  
逆威色羅 交慶萬方 流金豁落 群魔滅蹤  
辟奸破妖 明耀元功 金符召制 躡雲策龍  
謠歌慶會 散花太空 神化冥運 四極安隆  
伏御帝前 固有不恭

鳴法鼓二十四通

無上三天玄元始三炁太上老君召出自身  
中三五功曹左右官使者左右捧香金童傳  
言散花玉女五帝直符直日香官各三十六  
人出出者嚴裝顯服冠帶垂纓開啓玄壇土  
地方域神真且今午朝陞壇行道朝謁  
帝真禮奏為入志其諸誠意具載絨勝願得  
太上至真道炁靈寶瑞光下降流入自身中  
今日所啓之誠速達徑御

至真無極大道

三清上聖

昊天至尊金闕玉皇上帝御前

請稱法位

具位 與臨壇官眾等謹同誠上啓

虛無自然元始天尊無極大道太上道君太上老君高上玉皇十方已得道大聖眾至真諸君丈人三十二天帝君王虛上帝玉帝大帝東華南極西靈北真玄都玉京金闕七寶

瓊臺紫微上官靈寶至真明皇道君三十六部尊經玄中大法師上相上宰上傳上傅太平下教二十四真人西城總真王君太乙真人東嶽上卿司命茅君定錄保命二真人名山洞府得道神仙三界官屬一切真靈

。聞運值真風職奉道要智不該於聞見心未達於筌蹄徇利酷名屢移情於世習望洋向漢徒延想於丹華若非竭履以通靈第恐因循而悔忤故於懇請敢不遵依爰有忱詞謹當宣奏

宣詞

按如詞懇備見忱誠諒達

天慈必回聽覽且聞數起於一位成乎三一為萬物之宗三貫兩儀之序兩儀合德三景著明正晝夜而有經運四時而不減大維四

海別分野之災祥撤止一身合年庚而陶鑄所以星辰斗宿隨陽道以流躔標相命財屬天官之主算貴賤任分皆是實緣窮通有時無非注賜今齋官某慶逢昌運生遇明時身命祿財諒必由於臨照氣形質具幸允襲於

冲和知寵若驚畏天奉戒潔蘭場而薦祉嚴科範以伸虔仰奉

宸猷肅陳祀事時也為輪停馭玉宇消氛葵影正而不偏圭法明而易見取驗中高之勢深得其宜坐觀斜側之端獨超所寓方士法

之而觀空入靜聖人用之而治世為常惟此正時密符妙化以今臨午行道請法眾等運茲初捨上香願此香煙騰空徑上

三清之境且等皈身皈神皈命首體投地仰

依

太上三尊以是捨香功德上祝

當今皇帝伏願

九廟儲祿三辰効祉體堯仁而光被四表繼周道而賴及萬方禦弓矢而戢干戈修文偃

武省刑罰而薄稅斂阜俗安時再變淳風重光遠古今故燒香自皈依

道尊大聖眾至真之德得道之後保天長存以今臨午行道請法眾等運茲二捨上香願此香煙騰空徑上供養

三界十方諸天大聖齋官三代祖先亡過魂識伏願陰境開明陽魂審定洞觀無礙見真諦之皆空反本還元湛神襟之似海參駕九苞之風導迎十絕之懽遊宴清都超生樂國今故燒香自皈依

經尊大聖眾至真之德得道之後昇入無形以今臨午行道請法眾等運茲三捨上香願此香煙騰空徑上供養

靈山海嶽得道神仙合家人眷本命元辰伏願景命續然晨風扇祉壽考延洪於星合康榮厚衛於生經誦高門時臻吉事振振後

結益熾微聲和順爾雖樂育文明之化國騰驟振起隆光禮義之名家儲慶有餘延禧可大今故燒香自皈依

師尊大聖眾至真之德得道之後與道合具

唱方

懺悔

命魔

三啓頌

三禮

重稱法位

具位 與臨壇官眾等謹同誠上啓

三境至尊十方上聖玉京金闕天帝天具十

方師尊聖眾三界官屬一切威靈

臣聞空相無門外形聲而致禱道心有感因

視聽以發機常無為而無不為善救物而無

棄物且等量惟至淺德亦甚孤進道階梯渺

然無際修真事業豈曰有為獨抱不移之愚

欲探無名之蹟故每推誠之盡節必須後已

以先人思濟苦輪宜宣妙範今時齋官某夙

膺重契仰戴大明保儉安淳早服事天之裔

潔精澄慮不忘祗戒之勤嚴奉科條肅明裡

祀蘭缸啓夜想像星垣梵韻騰空聲聞宵極

異歎五明之仙馭少停

三境之宸游昭格上元啓陳無極恭望

皇穹上帝圓極高真法界仙靈羅天上聖芝

軒暉千官絡繹以周流

聖算無疆保固山河而作鎮齊官某伏願百

靈拱衛五物防閑捍厄扶衰屏妖魔之故氣

延齡益算沐仙聖之餘光福嚴運用以時新

禍掩行藏而日替操守克全於富盛温恭允

著於名聞家以慶傳人從行顯見存長幼咸

享歡康過去宗親悉蒙開度城隍里社羽衛

靈壇符使功曹肅清黃道各效功勤之力守

陞品秩之階一切舍生俱沾法潤上明

天尊大慈之澤下副臣等皈命之誠謹啓以

聞

發願

一願靈光下燭

三願恩宣九地

五願真靈俱會

七願天堂開敞

九願玄功普被

十一願普天懷德

復爐

二願道月揚輝

四願誠達天成

六願道炁周圍

八願地獄隳摧

十願駕景空飛

十二願道化無為

存神燒香

香官使者左右龍虎君侍香諸靈官當今臣

向來午朝陞壇行道之所自然生金液丹碧

芝英百靈眾具交會在此香火爐前當願十

方仙童玉女接侍蘭庭傳臣向來所奏之誠

速達徑上

至真無極大道

三清上聖

昊天至尊金闕玉皇上帝御前

羅天大醮午朝科